

**MEMORANDWM CYDSYNIAD DEDDFWRIAETHOL ATODOL  
(MEMORANDWM RHIF 3)**

**BIL YNNI**

1. Gosodir y Memorandwm Cydsyniad Deddfwriaethol (LCM) hwn o dan Reol Sefydlog 29.2. Mae Rheol Sefydlog 29 yn rhagnodi bod rhaid gosod LCM, ac y ceir cyflwyno cynnig cydsyniad deddfwriaethol, gerbron Senedd Cymru os yw Bil Seneddol y DU yn gwneud darpariaeth mewn perthynas â Chymru at unrhyw ddiben sydd o fewn, neu sy'n addasu cymhwysedd deddfwriaethol Senedd Cymru.
2. Cafodd y Bil Ynni ("y Bil") ei gyflwyno yn Nhŷ'r Arglwyddi Senedd y DU ar 6 Gorffennaf 2022. Cafodd taith y Bil ei hatal am gyfnod cyn ailddechrau ar ddiwedd 2022. Gosodais LCM ar 29 Mehefin 2023 ar y Bil fel y cafodd ei gyflwyno, sy'n cynnwys crynodeb o'r Bil.
3. Gosodais LCM atodol (sLCM) ar 25 Gorffennaf 2023 yn ymdrin â gwelliannau i'r Bil a gyflwynwyd yn Nhŷ'r Arglwyddi ar 9 Ionawr 2023 ac yn ystod Cyfnod Pwyllgor Tŷ'r Cyffredin ar 7 Mehefin 2023. Cymalau'r Pecyn Gwelliant Amgylcheddol Gwynt Alltraeth ("cymalau OWEIP" ac "OWEIP") yw'r enw ar y diwygiadau hyn. Maen nhw'n rhan o Bennod 1 o Ran 13 o'r Bil (sLCM OWEIP).
4. Mae'r LCM hwn yn ymdrin â gwelliannau eraill a wnaed i'r Bil ers ei gyflwyno ac mae'n ymdrin â'r Bil fel yr oedd wrth adael Cyfnod Pwyllgor Tŷ'r Cyffredin fel y'i cyhoeddwyd ar 11 Gorffennaf 2023. Mae Atodiad 1 yn dangos rhifau'r cymalau yn y Bil fel y'i cyflwynwyd, a rhifau'r cymalau fel yr oeddynt y Bil ar 11 Gorffennaf 2023.
5. Rwy'n gosod y sLCM hwn yn ystod y toriad gan fod Tŷ'r Cyffredin wedi trefnu y caiff Cyfnod Adroddiad y Bil ei gynnal ar 5 Medi 2023.
6. I weld y Bil gyda'r gwelliannau a wnaed yn dilyn Cyfnod Pwyllgor Tŷ'r Cyffredin, cliciwch yma <https://publications.parliament.uk/pa/bills/cbill/58-03/0340/220340.pdf>.

**Amcan y Polisi**

7. Mae Llywodraeth y DU yn amlinellu diben a phrif swyddogaethau'r Bil yn y Nodiadau Esboniadol cysylltiedig<sup>1</sup> (dyddiad y fersiwn diweddaraf yw 25 Ebrill 2023). Yr amcanion polisi mae Llywodraeth y DU wedi'u datgan yw helpu i gynyddu cadernid a dibynadwyedd systemau ynni ledled y DU, cefnogi'r gwaith o gyflawni ymrwymadau'r DU mewn perthynas â newid

---

<sup>1</sup> [Energy Bill \[HL\] publications - Parliamentary Bills - UK Parliament](#)

hinsawdd a diwygio system ynni'r DU, gan yr un pryd leihau costau i ddefnyddwyr cymaint ag y bo modd a'u hamddiffyn rhag prisiau annheg.

## **Y sefyllfa ers i mi osod yr LCM ac sLCM OWEIP gerbron Senedd Cymru**

8. Gosodais LCM ar 29 Mehefin 2023, ar y Bil a gyflwynwyd gerbron Senedd y DU (Tŷ'r Arglwyddi) ar 6 Gorffennaf 2022. Dywedodd y Memorandwm hwnnw mai barn Llywodraeth Cymru yw ei bod hi'n briodol delio â'r darpariaethau ym Mesur y DU fel ffordd effeithlon o gyflwyno deddfwriaeth sy'n ymestyn i Gymru, yn enwedig lle bo'n polisïau'n cyd-fynd. Mae'n fwy priodol cyflwyno rhai cynlluniau neu gyfundrefnau ar lefel y DU gyfan, o ystyried natur diriogaethol drawsffiniol y gweithgareddau sy'n cael eu rheoleiddio.
9. Roedd nifer arwyddocaol o ofidiau ynghylch y Bil fel y'i cyflwynwyd. Fy mhryder pennaf oedd methiant y Bil i adlewyrchu'r setliad datganoli yn ddigonol, yn enwedig rôl Gweinidogion Cymru fel y rhai sy'n gwneud penderfyniadau o fewn meysydd cymhwysedd datganoledig. Mae'n hanfodol sicrhau bod Gweinidogion Cymru'n cael dylanwadu ar gynlluniau neu bolisïau ar lefel y DU sy'n effeithio ar brosiectau trawsffiniol arwyddocaol. O ganlyniad, argymhellais fod Senedd Cymru yn gwrthod rhoi ei chydysniad i'r Bil.
10. Gosodais sLCM OWEIP ar 25 Gorffennaf 2023. Yn fy marn i, nid yw cymalau OWEIP fel y'u cyflwynwyd yn adlewyrchu'r setliad datganoli yn ddigonol, yn enwedig rôl Gweinidogion Cymru fel y rhai sy'n gwneud penderfyniadau o fewn meysydd cymhwysedd datganoledig. O ystyried y pryderon hynny, argymhellais fod Senedd Cymru'n gwrthod rhoi ei chydysniad i gymalau OWEIP y Bil.
11. Bu trafodaethau di-dor â Llywodraeth y DU am y Bil ac ailadroddais fy marn yno bod angen cydsyniad Gweinidogion Cymru ar reoliadau a gyflwynir sy'n effeithio ar faterion datganoledig. Mae Llywodraeth y DU wedi dal at eu safbwynt bod ymgynghori'n ddigon.
12. Rwy'n dal o'r farn nad oes rheswm pam na allwn weithio gyda'n gilydd i ddarparu rheoliadau trawsffiniol mewn ffordd sy'n osgoi rheoliadau gwahanol trwy broses sy'n gofyn am gydsyniad Gweinidogion Cymru mewn meysydd cymhwysedd datganoledig. Nid yw proses ymgynghori yn amddiffyniad boddhaol o safbwynt cyfansoddiadol.

## **Crynodeb o'r newidiadau i'r Bil ers ei gyflwyno**

### **Rhan 1: Trwyddedu Cludo a Storio Carbon Deuocsid:**

#### **Pennod 1 Trwyddedu Gweithgareddau**

13. Roedd yr LCM yn nodi barn Gweinidogion Cymru bod cymalau ym Mhennod 1 o Ran 1 o'r Bil o fewn cymhwysedd deddfwriaethol Senedd Cymru am eu bod yn gwneud darpariaeth ynghylch storio carbon deuocsid

sy'n faes datganoledig. Mae'r darpariaethau'n ymwneud â gwastraff a diogelu'r amgylchedd, sy'n cynnwys mesurau datgarboneiddio fel cludo a storio carbon deuocsid a ddaliwyd ac nad ydynt yn ymwneud ag unrhyw fater a gedwir yn ôl yn Atodlen 7A o Ddeddf Llywodraeth Cymru 2006. Cafodd y cymalau a ddisgrifir isod eu diwygio yn fersiwn 11 Gorffennaf 2023 y Bil, ac maent yn dal i wneud darpariaeth sydd o fewn cymhwysedd deddfwriaethol Senedd Cymru. Felly, mae angen sLCM ar gyfer y diwygiadau i'r cymalau hyn, sydd wedi'u crynhoi isod.

- 14 Mae cymal 9 (Gweithdrefn ar gyfer ceisio am drwydded) yn cynnwys is-gymal newydd (10) sy'n cymhwyso'r diffiniad o "appropriate devolved authorities" yn adran 10(6) i is-adran (3) lle mae'n rhaid i'r Ysgrifennydd Gwladol ymgynghori cyn gwneud rheoliadau o dan adran (2) neu (6). Croesewir yr esboniad yn yr adran newydd hon ond rwyf o hyd o'r farn y dylai'r Ysgrifennydd Gwladol ofyn i Weinidogion Cymru am eu cydsyniad cyn gwneud rheoliadau o dan gymal 9. O ganlyniad, rwy'n argymhell bod Senedd Cymru'n gwrthod ei chydsyniad i gymal 9.
- 15 Mae cymal 19 (Rhoi cydsyniad i drosglwyddo) yn cynnwys is-gymalau (4) a (5) newydd sydd wedi'u hail-ddrafftio i esbonio'n glir yr hyn y mae'n rhaid i'r rheoleiddiwr economaidd ei wneud pan na fydd yr Ysgrifennydd Gwladol yn rhoi cyfarwyddyd i roi cydsyniad i drosglwyddo trwydded o dan Gymal 18 (trosglwyddo trwyddedau). Croesewir yr esboniad yn yr adran newydd hon ac rwy'n argymhell bod Senedd Cymru yn rhoi ei chydsyniad i gymal 19.
- 16 Mae Cymal 29 (pŵer i fynnu gwybodaeth at ddibenion monitro) yn cynnwys is-gymalau (5) a (6) newydd sy'n ymdrin â datgelu gwybodaeth i'r rheoleiddiwr economaidd gan sicrhau nad yw'r datgeliad yn mynd yn groes i'r deddfwriaeth diogelu data. Mae Llywodraeth Cymru yn cefnogi'r gwelliant hwn gan ei fod yn sicrhau nad yw unrhyw wybodaeth a ddatgelir yn mynd yn groes i'r deddfwriaeth diogelu data ac yn argymhell bod Senedd Cymru yn rhoi ei chydsyniad i gymal 29.
- 17 Mae Cymal 32 (gorfodi rhwymedigaethau deiliaid trwyddedau) yn cynnwys Atodlen 3 newydd i'r Bil sy'n gwneud darpariaeth ar gyfer gorfodi amodau trwyddedau a gofynion eraill a osodir ar ddeiliaid trwydded gan neu o dan Ran 1 o'r Bil. Mae Atodlen 3 yn disodli pŵer yr Ysgrifennydd Gwladol i wneud rheoliadau a nodir yng nghymal 32 yn y Bil fel y'i cyflwynwyd. Rydym o'r farn ei bod yn bwysig bod yna drefn orfodi gyson ac yn croesawu'r rheoliadau hyn yn y Bil ac yn argymhell bod Senedd Cymru yn rhoi ei chydsyniad i gymal 32.

**Rhan 1: Trwyddedu Cludo a Storio Carbon Deuocsid:**  
**Pennod 4 Trefn Weinyddol Arbennig**

- 18 Diwygiwyd cymal 46 (Addasu amodau trwyddedau) i adlewyrchu'n well mai bwriad ymgynghori fyddai fel awdurdod trwyddedu storio carbon mewn perthynas ag ansolfedd. Yn yr LCM, argymhellodd Llywodraeth Cymru atal cydsyniad yn amodol ar ei ystyried ymhellach.

- 19 Yn dilyn trafodaeth bellach gyda Llywodraeth y DU a gwneud gwelliant wedi hynny i'r cymal hwn, ein barn ni yw bod y cymal hwn yn ymwneud ag 'ansolfedd' sy'n fater a gedwir yn ôl ac nad yw o fewn cymhwysedd deddfwriaethol Senedd Cymru. Felly nid oes angen cydsyniad Senedd Cymru ar gyfer cymal 46.

## **Rhan 2: Dal a storio carbon deuocsid etc. a chynhyrchu hydrogen** **Pennod 1 Contractau Cymorth Refeniw**

- 20 Yn is-gymal (7) o gymal 67 (dynodi parti i ddal carbon), mae'r diffiniad o "carbon capture entity" wedi'i newid i berson sy'n cynnal gweithgareddau yn y Deyrnas Unedig i ddal carbon deuocsid sydd yn yr atmosffer ac sydd wedi'i doddi yn nŵr y môr, hynny'n ogystal â charbon deuocsid sydd wedi'i gynhyrchu gan weithgareddau masnachol neu ddiwydiannol fel y'i drafftwyd yn y Bil fel y'i cyflwynwyd. Mae'r cymal wedi'i newid i ddiffinio gweithgareddau sy'n cael eu cynnal yn y "Deyrnas Unedig" i gynnwys dyfroedd tiriogaethol wrth y Deyrnas Unedig (is-gymal (8)(a)), a dyfroedd mewn Parth Mewnforio a Storio Nwy (is-gymal (8)(b)).
- 21 Mae'r gwelliannau hyn yn ymdrin â materion sy'n ymwneud â gwastraff a diogelu'r amgylchedd, sy'n cynnwys mesurau datgarboneiddio fel dal carbon deuocsid. Nid ydynt yn ymwneud ag unrhyw fater sydd wedi'i gadw yn ôl yn Atodlen 7A GOWA. Mae angen sLCM felly i'r graddau bod y cymal hwn o'i wella yn ymwneud â'r môr tiriogaethol wrth Gymru. Rwy'n croesawu hyn ac yn argymhell bod Senedd Cymru'n rhoi ei chydysniad.
- 22 Yng nghymal 73 (pŵer i benodi cyrff dyrannu), mae is-gymal (2) newydd wedi'i ychwanegu er mwyn gallu arfer y pŵer i benodi o dan is-gymal (1) fel bod mwy nag un penodiad yn cael ei wneud o dan y paragraff hwnnw yr un pryd. Mae'r gwelliant hwn yn gwneud darpariaeth sy'n ymdrin â'r gwastraff a diogelu'r amgylchedd sy'n cynnwys mesurau datgarboneiddio fel dal carbon deuocsid. Nid yw'n ymwneud ag unrhyw fater sydd wedi'i gadw yn ôl yn Atodlen 7A GOWA. Mae angen sLCM felly, i'r graddau ei fod yn ymwneud â dal carbon deuocsid ond nid â chynhyrchu hydrogen. Rydym yn argymhell bod Senedd Cymru'n gwrthod rhoi ei chydysniad. Dylid gofyn i Weinidogion Cymru am eu cydsyniad os bydd y rheoliadau'n cynnwys darpariaethau sydd o fewn cymhwysedd datganoledig.

## **Rhan 2: Dal a storio carbon deuocsid etc. a chynhyrchu hydrogen** **Pennod 2 Datgomisiynu Gosodiadau Storio Carbon**

- 23 Mae gwelliant wedi'i wneud i is-gymal (1) o gymal 92 (ariannu costau datgomisiynu ac ati) i nodi'n benodol y caiff yr Ysgrifennydd Gwladol, drwy reoliadau, wneud darpariaeth i fynnu bod pobl berthnasol yn darparu diogelwch mewn perthynas â gadael neu ddatgomisiynu safleoedd, piblinellau neu osodiadau carbon deuocsid yn y dyfodol. Mae hyn yn newid y Bil fel y'i drafftwyd oedd yn cyfeirio at "carbon storage solutions". Mae is-gymal (2) yn diffinio gweithgarwch sy'n gysylltiedig â charbon deuocsid ac mae is-gymal (3) yn diffinio lleoliad safleoedd i gynnwys y

rhai sydd yn, o dan neu ar fôr tiriogaethol y DU neu ddyfroedd y Parth Mewnforio a Storio Nwy.

- 24 Mae'r gwelliannau i'r cymal hwn yn gwneud darpariaeth berthnasol gan eu bod yn ymdrin â gwastraff a diogelu'r amgylchedd, sy'n cynnwys mesurau datgarboneiddio fel dal carbon deuocsid. Nid ydynt yn ymwneud ag unrhyw fater sydd wedi'i gadw yn ôl yn Atodlen 7A GOWA. Mae angen sLCM felly, i'r graddau bod y cymal hwn o'i newid yn gymwys i'r môr tiriogaethol wrth Gymru.
- 25 Mae'r gwelliannau hyn yn rhoi mwy o eglurder ynghylch cwmpas y rheoliadau ac rydym yn argymhell bod Senedd Cymru'n rhoi ei chydysyniad i gymal 92.

## **Rhan 2: Dal a storio carbon deuocsid etc. a chynhyrchu hydrogen**

### **Pennod 5 Gwybodaeth am storio carbon a samplau**

- 26 Mae Pennod 5 newydd (gwybodaeth am storio carbon a samplau), sy'n cynnwys cymalau 106 i 126, wedi'i mewnosod yn Rhan 2. Mae'r Bennod hon yn fras yn gwneud darpariaeth sy'n ymwneud â gwybodaeth am storio carbon ac am samplau sylweddau a gafwyd gan neu ar ran trwyddedai wrth gynnal gweithgarwch o dan drwydded storio carbon y trwyddedai. Mae'r drwydded storio carbon yn golygu trwydded a roddir gan yr Awdurdod Olew a Nwy (OGA) o dan adran 18(1) o Ddeddf Ynni 2008 (cymal 106(2)) neu sy'n cael effeithiau fel pe bai wedi cael ei roi ganddo.
- 27 Mae'r Bennod hon yn gwneud darpariaeth mewn perthynas â gwastraff a diogelu'r amgylchedd, sy'n cynnwys mesurau datgarboneiddio fel dal carbon deuocsid. Nid yw'n ymwneud ag unrhyw fater sydd wedi'i gadw yn ôl yn Atodlen 7A GOWA. Mae angen sLCM felly ar gyfer holl gymalau'r Bennod hon. Ceir crynodeb ohonynt isod:
  - 27.1 Mae cymal 106 (diffiniadau allweddol) a chymal 126 (Dehongli Pennod 5) yn cynnwys diffiniadau a ddefnyddir trwy'r Bennod hon.
  - 27.2 Mae Cymal 107 (Cadw gwybodaeth a samplau) yn rheoleiddio'r gofyniad y gallai fod angen i drwyddedeion penodedig ddarparu gwybodaeth am storio carbon a samplau.
  - 27.3 Mae cymal 108 (Paratoi a chytuno ar gynlluniau gwybodaeth a samplau) yn ei gwneud yn ofynnol i berson cyfrifol baratoi cynllun gwybodaeth a samplau.
  - 27.4 Mae cymal 109 (Cynlluniau gwybodaeth a samplau: ategol) yn ei gwneud yn ofynnol i'r OGA gytuno ar unrhyw newidiadau i gynlluniau gwybodaeth a samplau.

- 27.5 Mae cymal 110 (Gwybodaeth a samplau: cydgysylltwyr) yn ei gwneud yn ofynnol penodi cydlynedd gwybodaeth a samplau o fewn trwyddedai neu weithredwr archwilio.
- 27.6 Mae Cymal 111 (Pwerau OGA i fynnu gwybodaeth a samplau) yn rhoi pŵer i'r Awdurdod Olew a Nwy ofyn am wybodaeth a samplau.
- 27.7 Mae cymal 112 (Gwahardd yr OGA rhag datgelu gwybodaeth neu samplau) yn gwahardd yr OGA rhag datgelu gwybodaeth neu samplau.
- 27.8 Mae Cymal 113 (Pŵer yr Ysgrifennydd Gwladol i fynnu gwybodaeth a samplau) ac Atodlen 7 newydd yn rhoi pŵer i'r Ysgrifennydd Gwladol i fynnu gwybodaeth a samplau a ddelir gan yr OGA at ddiben swyddogaethau a roddir gan neu o dan unrhyw Ddeddf, monitro perfformiad yr OGA neu unrhyw achos Seneddol.
- 27.9 Mae cymal 114 (Pŵer OGA i roi hysbysiadau cosb) yn rhoi pŵer i'r OGA roi hysbysiadau cosb, sef yr hysbysiadau y cyfeirir atynt yng nghymalau 115 i 118.
- 27.10 Mae cymal 115 (hysbysiadau gorfodi) yn diffinio hysbysiad gorfodi.
- 27.11 Mae cymal 116 (hysbysiadau cosb ariannol) yn diffinio hysbysiad cosb ariannol.
- 27.12 Mae cymal 117 (Hysbysiadau dirymu) yn diffinio hysbysiad dirymu.
- 27.13 Mae cymal 118 (Hysbysiadau gwared gweithredydd) yn nodi'r broses ar gyfer trwydded gwaredu gweithredydd.
- 27.14 Mae Cymal 119 (Dyletswydd OGA i roi hysbysiadau rhybudd cosb) yn rhoi dyletswydd ar yr OGA i roi hysbysiadau rhybudd cosb.
- 27.15 Mae Cymal 120 (Cyhoeddi manylion cosbau) yn rhoi pwerau i OGA gyhoeddi manylion unrhyw hysbysiad cosb a roddir gydag eithriadau a nodir yn y cymal.
- 27.16 Mae cymal 121 (Hysbysiadau cosb dilynol) yn rhoi pwerau i'r OGA o ran hysbysiadau cosb dilynol.
- 27.17 Mae cymal 122 (Tynnu hysbysiadau cosb yn ôl) yn rhoi pŵer i'r OGA dynnu hysbysiad cosb yn ôl.
- 27.18 Mae cymal 123 (Cosbau: pwerau o ran gwybodaeth) yn rhoi pŵer i'r OGA ei gwneud yn ofynnol darparu dogfennau neu wybodaeth arall at ddiben ymchwiliad sy'n ymwneud â gofyniad cosbadwy neu i alluogi'r OGA benderfynu a ddylid gosod cosb.

- 27.19 Mae cymal 124 (Apeliadau) yn cyflwyno Atodlen 8 newydd sy'n diffinio'r apeliadau yn erbyn penderfyniadau a wneir gan yr OGA mewn perthynas â gwybodaeth a samplau penodol ym Mhennod 5.
- 27.20 Mae cymal 125 (Gweithdrefn ar gyfer gwneud penderfyniadau gorfodi) yn amlinellu'r weithdrefn ar gyfer gwneud penderfyniadau gorfodi.
- 28 Mae gorgyffwrdd rhwng cwmpas daearyddol yr OGA a'r diriogaeth y mae gan Senedd Cymru gymhwysedd drosti o dan adran 108A o'r GOWA i'r graddau bod y darpariaethau'n gymwys i weithgareddau storio ym môr tiriogaethol Cymru. Cyfyngir pwerau'r Ysgrifennydd Gwladol o ran gwneud rheoliadau i roi trwyddedau storio carbon trwy'r OGA. O'r herwydd, ni wnaiff y rheoliadau hyn ymestyn i weithgareddau Deddf Ynni 2008 yng Nghymru (tir mawr a dyfroedd mewnol Cymru). Yno, Gweinidogion Cymru yw'r unig awdurdod trwyddedu.
- 29 Mae'n bwysig bod gweithgaredd trwyddedig yn gofyn am yr un wybodaeth a samplau â'r system sydd mewn grym ledled Prydain Fawr. O'r herwydd, rwyf wedi gofyn am welliant i'r Bennod hon er mwyn cynnwys y trwyddedau a roddir gan Weinidogion Cymru a chynnwys proses o ofyn am gydsyniad os bydd y rheoliadau'n effeithio ar feysydd cymhwysedd deddfwriaethol. Rydym yn argymhell bod Senedd Cymru'n gwrthod rhoi ei chydsyniad i gymalau 107-125.

## **Rhan 2: Dal a storio carbon deuocsid etc. a chynhyrchu hydrogen**

### **Pennod 6 Cyffredinol**

- 30 Fel a nodwyd yn yr LCM, mae cymal 127 (cael at seilwaith) (cymal 96 gynt) yn rhoi pŵer i'r Ysgrifennydd Gwladol wneud rheoliadau ynghylch caffael hawliau i ddefnyddio safle storio carbon deuocsid yn y ddaear neu biblinell a ddefnyddir neu y bwriedir ei defnyddio i gludo carbon deuocsid. Mae'r cymal hwn wedi'i newid i gynnwys rhestr o'r math o ddarpariaeth y gallai'r Ysgrifennydd Gwladol ei gwneud trwy reoliad o dan y cymal hwn, sy'n cynnwys rhoi disgrisiynau i unrhyw berson a chreu troseddau. Mae'r cymal hwn (fel y'i newidiwyd) yn gwneud darpariaeth mewn perthynas â gwastraff a diogelu'r amgylchedd, sy'n cynnwys mesurau datgarboneiddio fel dal carbon deuocsid. Nid yw'n ymwneud ag unrhyw fater sydd wedi'i gadw yn ôl yn Atodlen 7A GOWA. Mae angen sLCM felly.
- 31 Cyn gwneud rheoliadau o dan y Rhan hon, rhaid i'r Ysgrifennydd Gwladol ymgynghori â Gweinidogion Cymru os yw'r rheoliadau'n cynnwys darpariaethau a fyddai o fewn cymhwysedd deddfwriaethol Senedd Cymru. Dylid newid y gofyn i ymgynghori i geisio cydsyniad Gweinidogion Cymru felly rwy'n argymhell bod Senedd Cymru'n gwrthod rhoi ei chydsyniad i gymal 127.

## **Rhan 11 Cynlluniau Cyfleoedd i Arbed Ynni**

- 32 Mae Rhan newydd wedi'i chyflwyno i'r Bil mewn perthynas â'r Cynllun Cyfleoedd i Arbed Ynni (ESOS). Bwriad y mesurau hyn yw gwella ansawdd archwiliadau ESOS a rhoi pwerau i ehangu'r cynllun i gynnwys elfennau sero net mewn archwiliadau. Bydd y newidiadau hyn yn weithredol ledled y DU. Mae'r cymalau a restrir isod yn darparu o fewn cymhwysedd deddfwriaethol Senedd Cymru i'r graddau bod darpariaeth yn ymwneud ag annog defnyddio ynni'n effeithiol (heblaw trwy waharddiad neu reoleiddiad).
- 32.1 Mae cymal 250 (Cynlluniau cyfleoedd i arbed ynni) yn rhoi pŵer i'r Ysgrifennydd Gwladol reoleiddio i sefydlu un neu fwy ESOS.
- 32.2 Mae cymal 251 (Cymhwysu cynlluniau cyfleoedd i arbed ynni) yn ymwneud â'r prosesau ar gyfer gwneud cais am ESOS.
- 32.3 Mae cymal 252 (Y gofyn i asesu'r defnydd o ynni) yn nodi'r gofyn i asesu'r defnydd o ynni.
- 32.4 Mae cymal 253 (Aseswyr) yn darparu bod rheoliadau ESOS yn rhoi swyddogaethau i asesydd mewn perthynas ag asesu a monitro cydymffurfiaeth â'r gofynion a osodir gan y rheoliadau ac adrodd arnynt.
- 32.5 Mae cymal 254 (Cynlluniau gweithredu ESOS) yn darparu bod rheoliadau ESOS yn gwneud darpariaeth i gyfranogwyr gynhyrchu cynlluniau gweithredu ESOS.
- 32.6 Mae cymal 255 (Gweithredu i arbed ynni neu i leihau allyriadau) yn nodi'r gweithrediadau y caiff rheoliadau ESOS ddarparu ar eu cyfer.
- 32.7 Mae cymal 256 (Gweinyddu'r cynllun) yn darparu bod rheoliadau ESOS yn nodi gweinyddiaeth y cynllun.
- 32.8 Mae cymal 259 (Rheoliadau ESOS: gweithdrefn ac ati) yn nodi'r weithdrefn i reoliadau ESOS ddod i rym, gan gynnwys y gofyniad i'r Ysgrifennydd Gwladol ymgynghori â Gweinidogion Cymru i'r graddau bo'r rheoliadau'n cynnwys darpariaethau sydd o fewn cymhwysedd datganoledig.
- 32.9 Mae cymal 260 (Cyfarwyddyd i weinyddwyr y cynllun) yn rhoi pwerau i'r Ysgrifennydd Gwladol roi cyfarwyddyd i weinyddwr cynlluniau.
- 32.10 Mae cymal 261 (Cymorth ariannol i weinyddwyr a chyfranogwyr y cynllun) yn rhoi pwerau i'r Ysgrifennydd Gwladol roi neu drefnu rhoi cymorth ariannol i weinyddwyr a chyfranogwyr y cynllun.
- 32.11 Mae Cymal 262 yn dehongli Rhan 11.
- 33 Mae Llywodraeth Cymru o blaid ESOS ar gyfer y DU gyfan. Fodd bynnag, pan fydd rheoliadau ESOS yn cynnwys darpariaethau sydd o fewn cymhwysedd datganoledig Senedd Cymru, rhaid i'r Ysgrifennydd Gwladol

ofyn am gydsyniad Gweinidogion Cymru cyn gwneud rheoliadau. Rwy'n argymhell bod Senedd Cymru'n gwrthod rhoi ei chydsyniad i gymal 259. Yn fy marn i, rhaid i'r Ysgrifennydd Gwladol ofyn am gydsyniad Gweinidogion Cymru cyn gwneud rheoliadau os yw'r rheoliadau'n cynnwys darpariaethau sydd o fewn cymhwysedd deddfwriaethol Senedd Cymru.

### **Barn Llywodraeth y DU am yr angen am gydsyniad**

- 34 Mae Llywodraeth y DU yn cytuno bod angen cydsyniad Senedd Cymru. Yn benodol, mae Llywodraeth y DU wedi dod i'r casgliad:
- 34.1 Ar gyfer Rhan 1 - Trwyddedau Cludo a Storio Carbon Deuocsid – bod darpariaethau ar draws y Rhan yn ymdrin â phroses yr LCM. Ond, mae rhai darpariaethau'n ymwneud â materion sydd wedi'u cadw'n ôl, yn enwedig y rhai sy'n delio â swyddogaethau o dan gyfraith cystadleuaeth a phrosesau ansolfedd.
- 34.2 Ar gyfer Rhan 2 ar Ddal, Storio ac ati Carbon Deuocsid a Chynhyrchu Hydrogen, mae darpariaethau ar draws y Rhan yn ymdrin â phroses yr LCM i'r graddau bod dal carbon a chludo a storio CO<sub>2</sub> yn fater sydd fel arfer o fewn cymhwysedd datganoledig. Ond mae hi o'r farn bod darpariaethau mewn perthynas â hydrogen yn faterion sydd wedi'u cadw'n ôl, diolch i gymal D2 Olew a Nwy yn GOWA ac nad ydynt felly o fewn cymhwysedd datganoledig. O ran y cymalau sy'n ymwneud â'r ardoll hydrogen a'i gweinyddiad, mae Llywodraeth y DU o'r farn bod y ddarpariaeth honno'n fater sydd wedi'i gadw'n ôl am ei fod yn ymwneud â threth at ddiben mater cadw A1 ac nad yw'n berthnasol i broses yr LCM.
- 34.3 Ar gyfer Rhan 11 ar ESOS, mae Llywodraeth y DU o'r farn bod proses yr LCM wedi'i dilyn ar gyfer y Rhan hon ond nid yw'n darparu unrhyw fanylion penodol ynghylch cymalau unigol.

### **Barn Llywodraeth Cymru am y newidiadau i'r Bil Ynni hyd at 11 Gorff 2023.**

- 35 Gosodais LCM ar 29 Mehefin 2023 am y Bil fel y'i cyflwynwyd. Nid yw'r gwelliannau a wnaed i'r Bil ers ei gyflwyno yn newid y safbwynt a fynegais yn y Memorandwm hwnnw.
- 36 Mae Llywodraeth Cymru yn croesawu nifer o'r gwelliannau i'r Bil gan eu bod yn rhoi esboniadau defnyddiol a manylion ychwanegol ar sut y bydd y mesurau cyntaf a gyflwynwyd yn y Bil yn gweithredu. Barn Llywodraeth Cymru o hyd yw bod y Bil yn cynnwys darpariaethau sy'n hanfodol i helpu'r DU i newid i sero net.
- 37 Fel gyda'r Bil fel y'i cyflwynwyd, nid yw'r gwelliannau a wnaed i'r Bil, a hynny mewn nifer o feysydd, yn parchu cymhwysedd Senedd Cymru'n ddigonol. Yn benodol, mae Llywodraeth Cymru yn argymhell na ddylai Senedd Cymru roi ei chydsyniad i gymalau 9, 73, 106 i 126, 127 a 259 ac

rydym am i'r Ysgrifennydd Gwladol ofyn am gydsyniad Gweinidogion Cymru cyn y caiff rheoliadau newydd mewn perthynas â Phenodau 5 a 6 o Ran 2 a Rhan 11 ddod i rym. Mae'r tabl canlynol yn crynhoi fy safbwynt.

**Tabl 1: Crynodeb o farn Llywodraeth Cymru ynghylch cydsyniad**

<b>Cymalau a newidiwyd – Bil Ynni 11 Gorffennaf 2023</b>	
<b>Yn argymhell bod Senedd Cymru'n rhoi ei chydsyniad</b>	<b>Yn argymhell bod Senedd Cymru'n gwrthod rhoi ei chydsyniad.</b>
Rhan 1: 19, 29, 32.	Rhan 1: 9
Rhan 2: 67, 92	Rhan 2: 73, 106-126, 127
Rhan 11: 250-256, 260-262	Rhan 11: 259
Atodlen 3	Atodlenni 7 ac 8

### **Goblygiadau ariannol**

- 38 Efallai y bydd goblygiadau ariannol i Lywodraeth Cymru y gallai fod angen eu hystyried. Pe bai'r Bil yn cyflwyno unrhyw bwerau newydd a fyddai'n cael eu gweinyddu gan Weinidogion Cymru, byddai angen cael sicrwydd gan Lywodraeth y DU y darperid adnoddau cyfatebol.

### **Casgliad**

- 39 Er y gallai cyflawni'r darpariaethau hyn mewn Bil y DU fod yn ffordd briodol o ddeddfu, oni bai a hyd nes y bydd y materion sy'n peri pryder wedi'u datrys, nid wyf yn argymhell bod Senedd Cymru'n rhoi ei chydsyniad i'r Bil hwn.

**Julie James AS**  
**Y Gweinidog Newid Hinsawdd**  
**01 Medi 2023**

**Atodiad 1:**

Rhif y Cymal adeg ei gyflwyno i Dŷ'r Arglwyddi <a href="#">6 Gorffennaf 2022</a>	Disgrifiad o'r Cymal	Fel y'i diwygiwyd yng Nghyfnod Adrodd y Pwyllgor <a href="#">11 Gorffennaf 2023</a>
<b>Rhan 1 – Trwyddedu Cludo a Storio Carbon</b>		
1	Prif amcanion a dyletswyddau cyffredinol yr Ysgrifennydd Gwladol a'r Rheoleiddiwr Economaidd	1
2	Gwahardd gweithgareddau heb eu trwyddedu	2
3	Ymgynghori ar gynigion ar gyfer dod â gweithgareddau eraill o dan drwydded	3
4	Cwmpas tiriogaethol y gwaharddiad	4
5	Eithrio rhag y gwaharddiad	5
6	Dirymu esemptiad neu ei dynnu'n ôl	6
7	Y pŵer i roi trwyddedau	7
8	Y pŵer i greu mathau o drwydded	8
9	Y drefn ar gyfer gwneud cais am drwydded.	9
10	Tendro cystadleuol am drwyddedau	10
11	Amodau trwydded: cyffredinol	11
12	Amodau safonol trwyddedau	12
13	Newid amodau trwydded	13
14	Newid amodau o dan adran 13: ategol	14
15	Newid trwy orchymyn o dan ddeddf arall	15
16	Pŵer interim yr Ysgrifennydd Gwladol i roi trwyddedau	16
17	Dod â thrwydded i ben	17
18	Trosglwyddo trwyddedau	18
19	Cydsyniad i drosglwyddo	19
20	Apelio at y CMA	20

<b>Rhif y Cymal adeg ei gyflwyno i Dŷ'r Arglwyddi <a href="#">6 Gorffennaf 2022</a></b>	<b>Disgrifiad o'r Cymal</b>	<b>Fel y'i diwygiwyd yng Nghyfnod Adrodd y Pwyllgor <a href="#">11 Gorffennaf 2023</a></b>
21	Trefn apelio at y CMA	21
22	Penderfyniad gan y CMA ar yr apêl	22
23	Pwerau CMA ar ganiatáu apêl	23
24	Terfynau amser i CMA benderfynu ar apêl	24
25	Penderfyniad ar apêl gan CMA: ategol	25
26	Darparu gwybodaeth i/gan y rheoleiddiwr economaidd	26
27	Pŵer yr Ysgrifennydd Gwladol i fynnu gwybodaeth	27
28	Monitro, casglu gwybodaeth ac ati	28
29	Pŵer i fynnu gwybodaeth at ddiben monitro	29
30	Dyletswydd i gynnal asesiad o'r effaith	30
31	Rhesymau am benderfyniadau	31
32	Gorfodi'r ymrwymadau ar ddeiliaid trwydded	32
33	Gwneud datganiadau ffug ac ati	33
34	Atebolrwydd swyddogion endidau	34
35	Trafodion troseddol	35
36	Swyddogaethau o dan Ddeddf Fenter 2002	36
37	Swyddogaethau o dan Ddeddf Cystadleuaeth 1998	37
38	Adrannau 36 a 37: ategol	38
39	Blaen-raglenni gwaith	39
40	Gwybodaeth am ddatganiad polisi a strategaeth CCUS	40
41	Adroddiad blynyddol ar swyddogaethau trwyddedu cludo a storio	41
42	Gorchmynion gweinyddu cludo a storio	42

<b>Rhif y Cymal adeg ei gyflwyno i Dŷ'r Arglwyddi <a href="#">6 Gorffennaf 2022</a></b>	<b>Disgrifiad o'r Cymal</b>	<b>Fel y'i diwygiwyd yng Nghyfnod Adrodd y Pwyllgor <a href="#">11 Gorffennaf 2023</a></b>
43	Amcan gweinyddu cludo a storio	43
44	Cymhwyso rhai o ddarpariaethau Deddf Ynni 2004	44
45	Gweinyddu, trosglwyddo cynlluniau ac ati	45
46	Newid amodau trwyddedau	46
47	Newidiadau o dan Ddeddf Fenter 2002	47
48	Pŵer i wneud rhagor o newidiadau i'r ddeddfwriaeth ansolfedd	48
49	Dehongli Pennod 4	49
50	Cynlluniau trosglwyddo	50
51	Ymgynghori ar gynigion trosglwyddo	51
52	Cynnal cynlluniau trosglwyddo	52
53	Cydweithrediad rhwng yr awdurdod trwyddedu storio a'r rheoleiddiwr economaidd	53
54	Gwelliannau ynghylch Rhan 1	54
55	Dehongli Rhan 1	55
<b>Rhan 2 – Dal a storio carbon deuocsid etc. a chynhyrchu hydrogen</b>		
56	Pennod 1: dehongli	56
57	Contractau cymorth refeniw	57
58	Dyletswyddau dyrannu parti cymorth refeniw	58
59	Dyrannu parti cludo a storio	59
60	Cyfarwyddyd i gynnig contract	60
	Dyrannu parti cludo hydrogen	61
	Cyfarwyddyd i gynnig contract â darparwr cludo hydrogen cymwys	62
	Dyrannu parti storio hydrogen	63

<b>Rhif y Cymal adeg ei gyflwyno i Dŷ'r Arglwyddi <a href="#">6 Gorffennaf 2022</a></b>	<b>Disgrifiad o'r Cymal</b>	<b>Fel y'i diwygiwyd yng Nghyfnod Adrodd y Pwyllgor <a href="#">11 Gorffennaf 2023</a></b>
	Cyfarwyddyd i gynnig contract â darparwr storio hydrogen cymwys	64
61	Dyrannu parti i gynhyrchu hydrogen	65
62	Cyfarwyddyd i gynnig contract â darparwr cludo hydrogen cymwys	66
63	Dyrannu parti i ddal carbon	67
64	Cyfarwyddyd i gynnig contract â darparwr storio hydrogen	68
65	Penodi gweinyddwr yr ardoll hydrogen	69
66	Ymrwymadau cyfranogwyr y farchnad	70
	Taliadau i gyfranogwyr perthnasol y farchnad	71
67	Swyddogaethau gweinyddwr yr ardoll hydrogen	72
68	Y pŵer i benodi cyrff dyrannu	73
69	Amodau safonol y contractau cymorth refeniw	74
70	Hysbysiadau dyraniadau	75
71	Dyrannu contractau	76
72	Dyletswydd i gynnig contract ar ôl ei ddyrannu	77
73	Newid amodau safonol	78
74	Adrannau 75 i 78: ategol	79
	Amodau'r drwydded ynghylch swyddogaethau rhai cyrff dyrannu	80
75	Darpariaeth arall ynghylch dynodiadau	81
76	Cymhwyso arian a ddelir gan barti cymorth refeniw	82
77	Gwybodaeth a chyngor	83
	Gorfodi	84
78	Ymgynghori	85
79	Cynlluniau trosglwyddo	86

<b>Rhif y Cymal adeg ei gyflwyno i Dŷ'r Arglwyddi <a href="#">6 Gorffennaf 2022</a></b>	<b>Disgrifiad o'r Cymal</b>	<b>Fel y'i diwygiwyd yng Nghyfnod Adrodd y Pwyllgor <a href="#">11 Gorffennaf 2023</a></b>
80	Newid cynlluniau trosglwyddo	87
81	Cyfarwyddwyr cysgodol ac ati	88
	Newid trwyddedau ac ati o ran ymrwymiadau'r ardoll	89
	Trwyddedau i weithredwyr systemau trydan a chynllunwyr systemau nwy: newidiadau	90
	Adrannau 89 a 90: Ategol	91
82	Cyllido costau datgomisiynu ac ati	92
83	Adran 92: ategol	93
84	Darpariaethau Rhan 4 Deddf Betrolwim 1998	94
85	Cymorth ar gyfer newid defnydd: gosodiadau	95
86	Cymorth ar gyfer newid defnydd: piblinau'r rhwydwaith storio carbon	96
87	Cymorth ar gyfer newid defnydd: ategol	97
88	Dynodi datganiad polisi a strategaeth	98
89	Dyletswyddau o ran beth i'w ystyried yn y datganiad	99
90	Adolygu	100
91	Gofynion gweithdrefnol	101
92	Pennu'r darpariaethau mewn trwyddedau storio carbon deuocsid	102
93	Cynnwys hawlebau storio mewn trwyddedau storio carbon deuocsid	103
94	Troseddau sy'n gysylltiedig â thrwyddedau storio carbon deuocsid	104
95	Pŵer OGA i fynnu gwybodaeth am newid rheolaeth ar ddeiliad trwydded	105

<b>Rhif y Cymal adeg ei gyflwyno i Dŷ'r Arglwyddi <a href="#">6 Gorffennaf 2022</a></b>	<b>Disgrifiad o'r Cymal</b>	<b>Fel y'i diwygiwyd yng Nghyfnod Adrodd y Pwyllgor <a href="#">11 Gorffennaf 2023</a></b>
	Diffiniadau allweddol	106
	Cadw gwybodaeth a samplau	107
	Paratoi a chytuno ar gynlluniau gwybodaeth a samplau	108
	Cynlluniau gwybodaeth a samplau: ategol	109
	Gwybodaeth a samplau: cydgysylltwyr	110
	Pwerau OGA i fynnu gwybodaeth a samplau	111
	Gwahardd OGA rhag datgelu gwybodaeth neu samplau	112
	Pŵer yr Ysgrifennydd Gwladol i fynnu gwybodaeth a samplau	113
	Pŵer OGA i roi hysbysiadau cosbi	114
	Hysbysiadau gorfodi	115
	Hysbysiadau cosb ariannol	116
	Hysbysiadau dirymu	117
	Hysbysiadau gwaredu gweithredwr	118
	Dyletswydd OGA i roi hysbysiadau rhybuddio am gosbau	119
	Cyhoeddi manylion cosbau	120
	Hysbysiadau cosbau dilynol	121
	Tynnu hysbysiad cosbau yn ôl	122
	Cosbau; Pwerau gwybodaeth	123
	Apeliadau	124
	Gweithdrefn penderfyniadau gorfodi	125
	Dehongli Pennod 5	126
96	Mynediad at seilwaith	127
97	Cymorth ariannol	128
<b>Rhan 3 – Trwyddedu prosiectau piblinau hydrogen</b>		

<b>Rhif y Cymal adeg ei gyflwyno i Dŷ'r Arglwyddi <a href="#">6 Gorffennaf 2022</a></b>	<b>Disgrifiad o'r Cymal</b>	<b>Fel y'i diwygiwyd yng Nghyfnod Adrodd y Pwyllgor <a href="#">11 Gorffennaf 2023</a></b>
	Diffiniadau Allweddol y Rhan	129
	Dynodi	130
	Gweithdrefn dynodi	131
	Dirymu dynodiad	132
	Rhoi, estyn neu gyfyngu trwydded cludo nwy gan yr Ysgrifennydd Gwladol	133
	Ceisiadau i roi ac ati trwydded cludo nwy	134
	Newid trwydded cludo nwy gan yr Ysgrifennydd Gwladol	135
	Hyd a lled y pwerau newid o dan adran 135	136
	Y weithdrefn ac ati ar gyfer newid o dan adran 135	137
	Gwybodaeth a chyngor	138
	Amodau trwyddedau cludo nwy ar gyfer cludo hydrogen	139
	Cyfarwyddyd yr Ysgrifennydd Gwladol i'r GEMA	140
	Diddymu Rhan 3	141
<b>Rhan 4 – Techneg newydd</b>		
98	Cynlluniau gwres carbon isel	142
99	Cymhwyso'r cynllun	143
100	Pennu targedau ac ati	144
101	Darpariaeth arall am reoliadau'r cynllun	145
102	Gweinyddu'r cynllun	146
103	Gorfodi, cosbau a throseddau	147
104	Cymhwyso'r symiau a dalwyd yn rhinwedd adran 101(4) neu 103(3)	148
105	Apeliadau	149
106	Rheoliadau'r cynllun: gweithdrefn ac ati	150
107	Dehongli Pennod 1	151
Pennod 2		

<b>Rhif y Cymal adeg ei gyflwyno i Dŷ'r Arglwyddi <a href="#">6 Gorffennaf 2022</a></b>	<b>Disgrifiad o'r Cymal</b>	<b>Fel y'i diwygiwyd yng Nghyfnod Adrodd y Pwyllgor <a href="#">11 Gorffennaf 2023</a></b>
108	Newid y cod nwy	152
109	Rheoliadau i ddiogelu defnyddwyr	153
	Pŵer i newid Deddf Nwy 1986 o ran hydrogen	154
<b>Pennod 3</b>		
110	Cyfleusterau ynni ymasu: nid oes angen trwydded safle niwclear	155
	Trin tanwydd carbon wedi'i ailgylchu a thanwydd sy'n deillio o niwclear fel tanwydd cludiant adnewyddadwy	156
111	Deddf Newid Hinsawdd 2008: ystyr "UK removals"	157
<b>Rhan 5 – Gweithredydd a Chynllunydd Systemau Annibynnol</b>		
112	Gweithredydd a Chynllunydd Systemau Annibynnol ("the ISOP")	158
113	Dynodi ac ati	159
114	Dyletswydd i hyrwyddo amcanion penodol	160
115	Dyletswydd i roi sylw i faterion penodol	161
116	Dyletswydd i roi sylw i ddatganiad polisi a strategaeth	162
117	Trwyddedu gweithgaredd gweithredydd y system drydan	163
118	Cyfarwyddyd fel bod trwydded trawsyrru yn cael effaith trwydded gweithredydd system drydan	164
119	Trwyddedu gweithgaredd cynllunio system nwy	165
120	Newid trwyddedau ac ati	166
121	Gweithdrefn newid o dan adran 166	167
122	Rhoi cyngor, dadansoddiad neu wybodaeth	168

<b>Rhif y Cymal adeg ei gyflwyno i Dŷ'r Arglwyddi <a href="#">6 Gorffennaf 2022</a></b>	<b>Disgrifiad o'r Cymal</b>	<b>Fel y'i diwygiwyd yng Nghyfnod Adrodd y Pwyllgor <a href="#">11 Gorffennaf 2023</a></b>
123	Pŵer i fynnu gwybodaeth oddi wrth bersonau rheoledig ac ati	169
124	Dyletswydd i gadw golwg ar ddatblygiadau yn y sector ynni	170
125	Trosglwyddiadau	171
126	Trefniadau pensiwn	172
127	Cymorth ariannol ar gyfer yr ISOP	173
128	Cyllid ar draws sectorau	174
129	Prif amcan a dyletswyddau cyffredinol yr Ysgrifennydd Gwladol a GEMA o dan Ran 5	175
130	Newidiadau mân a chanlyniadol	176
131	Dehongli Rhan 5	177
132	Rheoliadau o dan Ran 5	178
<b>Rhan 6 – Llywodraethu Codau Nwy a Thrydan</b>		
133	Dynodi codau ac ati	179
134	Ystyr "code manager" a "code manager licence"	180
135	Dynodi systemau canolog	181
136	Trwydded o dan Ddeddf Nwy 1986 i gyflawni swyddogaeth rheoli cod	182
137	Trwydded o dan Ddeddf Drydan 1986 i gyflawni swyddogaeth rheoli cod	183
138	Dewis rheolwr codau	184
139	Dewis heb gystadleuaeth	185
140	Dewis trwy gystadleuaeth	186
141	Datganiad ar gyfeiriad strategol	187
142	Trosglwyddo swyddogaethau o dan adran 187 i Weithredydd a Chynllunydd Systemau Annibynnol	188
143	Newid dogfennau dynodedig gan GEMA	189
144	Newidiadau o dan adran 189	190

<b>Rhif y Cymal adeg ei gyflwyno i Dŷ'r Arglwyddi <a href="#">6 Gorffennaf 2022</a></b>	<b>Disgrifiad o'r Cymal</b>	<b>Fel y'i diwygiwyd yng Nghyfnod Adrodd y Pwyllgor <a href="#">11 Gorffennaf 2023</a></b>
145	Cyfarwyddyd ynghylch systemau canolog dynodedig	191
146	Cyfarwyddyd o dan adran 191	192
147	Prif amcan a dyletswyddau cyffredinol yr Ysgrifennydd Gwladol a GEMA o dan Ran 6	193
148	Adroddiad blynyddol GEMA i ystyried materion ynghylch dogfennau dynodedig	194
149	Rheoliadau o dan Ran 6	195
150	Dehongli Rhan 6	196
151	Darpariaeth bontio a threfniadau pensiwn	197
152	Newidiadau mân a chanlyniadol	198
<b>Rhan 7 – Diwygio'r Farchnad a Diogelu'r Defnyddiwr</b>		
	Prif wrthwynebiadau'r Ysgrifennydd Gwladol a GEMA	199
153	Tendrau cystadleuol ar gyfer prosiectau trydan	200
154	Uno mentrau yn y rhwydwaith ynni	201
155	Trwydded ar gyfer rhedeg rhyng-gysylltwyr aml-ddiben	202
156	Amodau safonol trwyddedau MPI	203
157	Rhedeg rhyng-gysylltwyr aml-ddiben: annibyniaeth	204
158	Rhoi trwyddedau MPI i weithredwyr sy'n bod	205
159	Pŵer i wneud darpariaeth ganlyniadol ac ati	206
160	Gwelliannau canlyniadol o ran rhyng-gysylltwyr aml-ddiben	207
	Taliadau cymorth trydan i ddiwydiannau ynni-ddwys	208
	Ardoll i dalu am daliadau cymorth trydan	209

<b>Rhif y Cymal adeg ei gyflwyno i Dŷ'r Arglwyddi <a href="#">6 Gorffennaf 2022</a></b>	<b>Disgrifiad o'r Cymal</b>	<b>Fel y'i diwygiwyd yng Nghyfnod Adrodd y Pwyllgor <a href="#">11 Gorffennaf 2023</a></b>
161	Estyn y cap ar y tariff nwy a thrydan domestig	
162	Storio trydan	210
163	Tâl yn lle cydymffurfio â rhai ymrwymadau ar gwmnïau ynni	211
164	Mesuryddion clyfar: estyn yr amser i arfer pwerau	212
<b>Rhan 8 – Rhwydweithiau Gwres</b>		
165	Y rhwydwaith gwres perthnasol	213
166	Y Rheoleiddiwr	214
167	Ffyrdd amgen i ddatrys anghydfodau â defnyddwyr	215
168	Rheoliad rhwydweithiau gwres	216
169	Rheoliad rhwydweithiau gwres: gweithdrefn	217
170	Adfer costau gan GEMA a NIAUR	218
171	Rhwydweithiau gwres: awdurdod trwyddedu yn yr Alban	219
172	Rhwydweithiau gwres: gorfodi yn yr Alban	220
173	Dehongli Pennod 1	221
174	Rheoliadau ynghylch parthau rhwydweithiau gwres	222
175	Awdurdod Parthau Rhwydweithiau Gwres	223
176	Cydgysylltwyr Parthau	224
177	Nodi, dynodi ac adolygu parthau	225
178	Sut mae pennu parthau	226
179	Ceisiadau am wybodaeth am adran 177 neu 178	227
180	Rhwydweithiau gwres mewn parthau	228
181	Darparu rhwydweithiau gwresogi ardal mewn parthau	229
182	Gorfodi gofynion parth rhwydweithiau gwres	230

<b>Rhif y Cymal adeg ei gyflwyno i Dŷ'r Arglwyddi <a href="#">6 Gorffennaf 2022</a></b>	<b>Disgrifiad o'r Cymal</b>	<b>Fel y'i diwygiwyd yng Nghyfnod Adrodd y Pwyllgor <a href="#">11 Gorffennaf 2023</a></b>
183	Cosbau	231
184	Cofnodion, gwybodaeth ac adrodd	232
185	Dehongli Pennod 2	233
<b>Rhan 9 – Dyfeisiau Clyfar o ran Ynni a Rheoli Llwythi</b>		
186	Dyfeisiau clyfar o ran ynni a rheoli llwythi	234
187	Rheoliadau clyfar o ran ynni	235
188	Gwaharddiadau a gofynion: ategol	236
189	Gorfodi	237
190	Cosbau, troseddau ac adfer costau	238
191	Apeliadau yn erbyn camau gorfodi	239
192	Rheoliadau: gweithdrefn ac ategol	240
193	Pŵer i newid amodau ac ati trwydded: rheoli llwyth	241
194	Pŵer i newid amodau ac ati trwydded: gweithdrefn	242
195	Rheoli llwyth: ategol	243
196	Cymhwyso dyletswyddau cyffredinol i swyddogaethau sy'n ymwneud â rheoli llwythi	244
197	Trwyddedu gweithgareddau o ran rheoli llwythi	245
<b>Rhan 10 – Perfformiad Eiddo o ran Ynni</b>		
198	Pŵer i wneud rheoliadau o ran perfformiad ynni	246
199	Rheoliadau o ran perfformiad ynni mewn eiddo newydd	247
200	Cosbau	248
201	Rheoliadau o dan y Rhan 10 hon	249
<b>Rhan 11 – Cynlluniau Cyfleoedd i Arbed Ynni</b>		
	Cynlluniau Cyfleoedd i Arbed Ynni	250
	Rhoi cynlluniau cyfleoedd i arbed ynni ar waith	251

<b>Rhif y Cymal adeg ei gyflwyno i Dŷ'r Arglwyddi <a href="#">6 Gorffennaf 2022</a></b>	<b>Disgrifiad o'r Cymal</b>	<b>Fel y'i diwygiwyd yng Nghyfnod Adrodd y Pwyllgor <a href="#">11 Gorffennaf 2023</a></b>
	Y gofyn i asesu'r defnydd o ynni	252
	Aseswyr	253
	Cynlluniau gweithredu ESOS	254
	Gweithredu i arbed ynni neu leihau allyriadau	255
	Gweinyddu'r cynllun	256
	Gorfodi, cosbau a throsteddau	257
	Apeliadau	258
	Rheoliadau ESOS: gweithdrefn ac ati	259
	Cyfarwyddyd i weinyddwyr y cynllun	260
	Cymorth ariannol i weinyddwyr a chyfranogwyr y cynllun	261
	Dehongli Rhan 11	262
<b>Rhan 12 – Cadernid y Sector Tanwydd Craidd</b>		
202	Amcan cyffredinol	263
203	"Gweithgarwch y sector tanwydd craidd" a chysyniadau allweddol eraill	264
204	Cyfarwyddyd i gyfranogwyr penodol y sector tanwydd craidd	265
205	Y weithdrefn ar gyfer rhoi cyfarwyddyd	266
206	Trosteddau peidio â chydymffurfio â chyfarwyddyd	267
207	Pwerau cyfatebol i wneud rheoliadau	268
208	Pŵer i fynnu gwybodaeth	269
209	Dyletswydd i roi gwybod am ddigwyddiadau	270
210	Mynd yn groes i ofyn o dan adran 269 neu 270	271
211	Darparu gwybodaeth ar adegau penodol	272
212	Datgelu gwybodaeth a ddelir gan yr Ysgrifennydd Gwladol	273

<b>Rhif y Cymal adeg ei gyflwyno i Dŷ'r Arglwyddi <a href="#">6 Gorffennaf 2022</a></b>	<b>Disgrifiad o'r Cymal</b>	<b>Fel y'i diwygiwyd yng Nghyfnod Adrodd y Pwyllgor <a href="#">11 Gorffennaf 2023</a></b>
213	Datgelu gwybodaeth gan HMRC	274
214	Apelio yn erbyn hysbysiad neu gyfarwyddyd	275
215	Datganiadau ffug ac ati	276
216	Troseddau o dan reoliadau	277
217	Achos ar gyfer trosedd	278
218	Atebolwydd swyddogion ac endidau	279
219	Gorfodi ac ymgymeriadau	280
220	Arweiniad: cosbau troseddol a sifil	281
221	Arweiniad: Craffu seneddol	282
222	Cymorth ariannol at ddiben cadernid a pharhad	283
223	Pŵer i newid y trothwy	284
224	Dehongli Rhan 12	285
<b>Rhan 13 – Cynhyrchu Trydan Gwynt, Olew a Nwy Alltraeth</b>		
	Ystyr "relevant offshore wind activity"	286
	lawndal strategol am effeithiau amgylcheddol andwyol	287
	Cronfa adfer y môr	288
	Asesu effeithiau amgylcheddol ac ati	289
	Rheoliadau o dan adran 289: ymgynghori a gweithdrefn	290
	Dehongli Pennod 1	291
225	Trefn ar gyfer ymateb i lygredd olew yn y môr	292
226	Cynefinoedd: lleihau effeithiau gweithgareddau olew a nwy ac ati alltraeth	293
227	Datgomisiynu olew a nwy alltraeth: cynlluniau codi tâl	294
228	Cymalau enghreifftiol ar gyfer trwyddedau petrolewm	295

Rhif y Cymal adeg ei gyflwyno i Dŷ'r Arglwyddi <a href="#">6 Gorffennaf 2022</a>	Disgrifiad o'r Cymal	Fel y'i diwygiwyd yng Nghyfnod Adrodd y Pwyllgor <a href="#">11 Gorffennaf 2023</a>
229	Pŵer OGA i fynnu gwybodaeth am newid rheolaeth ar ddeiliad trwydded	296
<b>Rhan 14 – Sector Niwclear Sifil</b>		
230	Cymhwyso'r gofyn am drwydded safle niwclear i'r môr tiriogaethol	297
231	Datgomisiynu safleoedd niwclear ac ati	298
232	Safleoedd gwaredu eithriedig	299
233	Llofnodi'r Confensiwn ar lawndal Ategol am Ddifrod Niwclear	300
	Confensiwn ar lawndal Ategol am Ddifrod Niwclear: Pŵer Gweithredu	301
234	Darparu gwasanaethau plismona ychwanegol	302
235	Darparu cymorth i luoedd eraill	303
236	Pwerau gorfodi traws-ffiniol	304
237	Cyhoeddi cynllun strategaeth tair blynedd	305
	Diwydiant niwclear sifil: newid y cynlluniau pensiwn niwclear perthnasol	306
	Ystyr "relevant nuclear pension scheme"	307
	Gwybodaeth	308
	Rhagor o ddiffiniadau	309
	Cymhwyso deddfau pensiwn perthnasol	310
	Gweithdrefn rheoleiddio	311
	Great British Nuclear	312
	Statws y Goron	313
	Amcanion Great British Nuclear	314
	Cymorth ariannol	315

<b>Rhif y Cymal adeg ei gyflwyno i Dŷ'r Arglwyddi <a href="#">6 Gorffennaf 2022</a></b>	<b>Disgrifiad o'r Cymal</b>	<b>Fel y'i diwygiwyd yng Nghyfnod Adrodd y Pwyllgor <a href="#">11 Gorffennaf 2023</a></b>
	Cyfarwyddyd ac arweiniad yr Ysgrifennydd Gwladol	316
	Adroddiad blynyddol	317
	Cyfrifon blynyddol	318
	Cynlluniau trosglwyddo	319
	Cynlluniau trosglwyddo: iawndal	320
	Cynlluniau trosglwyddo: trethu	321
	Cynlluniau trosglwyddo: darparu gwybodaeth neu gymorth	322
	Ad-dalu ac iawndal mewn cysylltiad â dynodi	323
	Trefniadau pensiwn Great British Nuclear	324
<b>Rhan 15</b>		
238	Pŵer i wneud newidiadau canlyniadol	325
239	Rheoliadau	326
240	Dehongli	327
241	Hyd a lled	328
242	Cychwyn	329
243	Teitl byr	330
<b>Atodlenni</b>		
Atodlen 1	Pŵer interim yr Ysgrifennydd Gwladol i roi trwyddedau	Atodlen 1
Atodlen 2	Gweithdrefn apelio o dan adran 20	Atodlen 2
	Gorfodi ymrwymadau deiliaid trwydded	Atodlen 3
Atodlen 3	Cynlluniau trosglwyddo	Atodlen 4
Atodlen 4	Newidiadau sy'n ymwneud â Rhan 1	Atodlen 5
Atodlen 5	Trwyddedau storio carbon deuocsid: darpariaethau'r drwydded	Schedule 6
	Deunydd y caniateir ei ddatgelu gan OGA	Atodlen 7
	Gwybodaeth a samplau Storio Carbon: apeluadau	Atodlen 8

<b>Rhif y Cymal adeg ei gyflwyno i Dŷ'r Arglwyddi <a href="#">6 Gorffennaf 2022</a></b>	<b>Disgrifiad o'r Cymal</b>	<b>Fel y'i diwygiwyd yng Nghyfnod Adrodd y Pwyllgor <a href="#">11 Gorffennaf 2023</a></b>
Atodlen 6	Cynllunydd a Gweithredydd Systemau Annibynnol: trosglwyddo	Atodlen 9
Atodlen 7	Cynllunydd a Gweithredydd Systemau Annibynnol: pensiynau	Atodlen 10
Atodlen 8	Newidiadau mân a chanlyniadol mewn cysylltiad â Rhan 5	Atodlen 11
Atodlen 9	Llywodraethu codau'r diwydiant trydan a nwy: darpariaeth bontio	Atodlen 12
Atodlen 10	Llywodraethu codau'r diwydiant trydan a nwy: pensiynau	Atodlen 13
Atodlen 11	Newidiadau mân a chanlyniadol mewn cysylltiad â Rhan 6	Atodlen 14
Atodlen 12	Tendrau cystadleuol ar gyfer prosiectau trydan	Atodlen 15
Atodlen 13	Uno mentrau rhwydweithiau ynni	Atodlen 16
Atodlen 14	Rhyng-gysylltwyr aml-ddiben: newidiadau canlyniadol	Atodlen 17
Atodlen 15	Rheoliad rhwydweithiau gwres	Atodlen 18
Atodlen 16	Trwyddedu gweithgareddau o ran rheoli llwythi	Atodlen 19
Atodlen 17	Ymgymeriadau gorfodi	Atodlen 20
Atodlen 18	Trwyddedau petrolewm: newidiadau i gymalau enghreifftiol	Atodlen 21
Atodlen 19	Llofnodi'r Confensiwn ar lawndal Ategol am Ddifrod Niwclear	Atodlen 22